



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 21/114	Løpenr: 21/1062
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	001/2021

Faste saker

11.02.2021 Formannskapet:

Handsaming i møtet:

Godkjenning av innkalling og sakliste:

Ordførar Knut Harald Frøland (Bl) orienterte om tilleggssakene som var sendt ut, og om bakgrunnen for dette. Han orienterte vidare om følgjande endringar i handsamingsrekkefølga av saker i møtet:

- Sak 003 (*Retningslinjer for barnevernsutvalet i Samnanger kommune*) ville verta handsama før sak 002 (*Mål og retningslinjer for barneverntenesta i Samnanger kommune*).
- Sak 009 (*Førespurnad om auka eigenkapital Hardanger AKS*) ville verta handsama før sak 008 (*Vedtak om delegeringsreglement for Samnanger kommune - ny handsaming*).

Med desse endringane vart innkallinga og saklista godkjent.

Eventuelle merknader til protokollen frå førre møte:

Ingen merknader.

Orienteringssaker frå ordføraren:

Avtale om pasientreiser

Informasjon om status i saka. Ordføraren har dialog med Helse Bergen om saka.

Førespurnad frå Framtidsfylket om annonsering

Kommunen har fått førespurnad frå Framtidsfylket om annonsering i magasinet deira 12.03.2021. Magasinet vil denne dagen vera vedlegg til Bergens Tidende. Pris for ei heilsides annonse vil vera 16 900 kroner + mva. Ordføraren ønska at formannskapet tok stilling til om Samnanger skal kjøpa slik annonsering. Han orienterte òg om at avgjerd må takast før neste kommunestyremøte. Formannskapet slutta seg samrøystes til at Samnanger kjøper heilsides annonse 12.03.2021. Dersom det ikkje finst midlar til dette i driftsbudsjettet, vert finansiering enten disposisjonsfondet eller næringsfondet.

Førespurnad frå bandet Vivillain om økonomisk støtte til konsert i Samnanger

Ordføreren orienterte om førespurnad frå bandet Vivillain om økonomisk støtte på 30 000 kroner til konsert i Samnanger. Det var semje i formannskapet om at kommunen ikkje skal gje økonomisk støtte til dette.

Elektrifisering av norsk sokkel

Kan få verknad for Samnanger. Ordføreren skal delta på informasjonsmøte 15.02.2021.

Orienteringssaker frå rådmannen:

Orienteringane frå rådmannen vart gjevne etter handsaminga av sak 004.

Rekneskapsføring i 2020 av akkumulert økonomisk tap på refusjonskrav sjukepengar

I samband med skifte av økonomisystem er det oppdaga at det i det gamle økonomisystemet låg eit ikkje-rekneskapsført akkumulert økonomisk tap på refusjonskrav sjukepengar på om lag 2 millionar kroner. Dette må først som kostnad i rekneskapen for 2020, og vil truleg føra til undeskot i 2020.

Sal av konsesjonskraft

Informasjon om status.

Vassleveranse til private

Orientering om førespurnader om vassutkøyring med kommunal branntankbil til husstandar med private brønnar som har frose i kuldeperioden. Kommunen kan ikkje tilby dette, men kan tilby husstandar å henta vatn frå vasspost på Frøland.

Status i sak Krekavegen

Møtet vart lukka under denne orienteringa, med heimel i kommunelova § 11-5 tredje ledd bokstav b. Rådmannen orienterte om status i saka.

Førespurnad om betaling for gjesteelevar i kommunal barnehage i annan kommune

Orienteringa vart halden av rådgjevar oppvekst Bodil H. Øpstebo. På bakgrunn av orienteringa bad formannskapet om å få opp sak om dette på sitt neste møte, som er 08.04.2021.

Sjukeheim/sjukeheimsplassar

Orientering om reglar/praksis for tildeling av plass på sjukeheimen, om kommunen sitt tilbod i dag og om eventuell ordning med forsterka omsorgsbustadtilbod.

Orientering om førespurnad frå annan kommune om kjøp av sjukeheimsplassar på Samnangerheimen. Formannskapet bad rådmannen om å ta stilling til denne førespurnaden.

Utvalet sitt kvarter:

Budsjettstatus

Jon Magne Bøgevik (Ap) spurde om budsjettstatus. Rådmann Ingebjørg Vamråk orienterte seinare i møtet om at rekneskapsresultatet for 2020 enno ikkje er klart, men at det truleg vert eit underskot.

Sal av konsesjonskraft

Spørsmål frå Odd Arne Haga (Frp) om status. Rådmannen svarte på dette under "orienteringssaker frå rådmannen" seinare i møtet.

Status for arbeidet med tilstandsrapport for kommunale bygg som er over 10 år gamle

Odd Arne Haga (Frp) spurde om status for arbeidet, ref. kommunestyret sitt budsjettvedtak 03.12.2020. Rådmannen kunne ikkje svara på dette i møtet.

Spørsmål om konsekvensar av vedtak i naturutvalet 09.02.2021 om utsetjing av sak om gang- og sykkeltilbod mellom Steinsland og Hagabotnane

Spørsmål frå Øyvind Strømmen om kva konsekvensar vedtaket vil få for den vidare prosessen. Rådmannen orienterte om at dette enno ikkje er heilt avklart. Ordførar Knut Harald Frøland (Bl) orienterte om at han vil vurdera om saka skal løftast inn til handsaming i kommunestyret.

FORM- 001/2021 Vedtak:

Møteinnkallinga og saklista vert godkjent.

Samnanger kommune kjøper heilsides annonse i magasinet til Framtidsfylket 12.03.2021, til kostnad av 16 900 kroner ekskl. mva. Dersom det ikkje finst midlar til dette i driftsbudsjettet, vert finansiering enten disposisjonsfondet eller næringsfondet.

Øvrige orienteringssaker/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Oversikt over faste saker:

Godkjenning av innkalling og sakliste.

Eventuelle merknader til protokoll frå førre møte.

Orienteringssaker/referatsaker.

Utvalet sitt kvarter.